

藏經書院版

卍
續藏經

第 123 冊

中國撰述

禪宗語錄別集部

新文豐出版公司
印行

卅續藏經。——臺一版。——臺北市：新文豐，[民82
-]

冊；公分

ISBN 957-17-0665-5 (一套：精裝)

— ISBN 957-17-1234-5 (第一二三冊：精裝)

1.藏經

221.08

82000521

中華民國八十四年五月台一版三刷

新編
卅續藏經
全一五二冊
第一三冊

精裝一冊基價一五·五五元正

編輯者藏經書院

版權發行人高本釗



發行所及
新文豐出版
股份有限公司

所有

公司：臺北市雙園街九十六號
電話：三〇六〇七五七・三〇八八六二四
門市部：臺北市羅斯福路一段二十號八樓
電話：四一五二九三・三四一五二九四
台北郵政：政四三六四三信箱
登記證：局版臺業字第〇六四九號
郵政劃撥：〇一〇〇四四二一六號
傳真：三五六八〇七六・三〇二三八七〇

佛尼牟迦釋師本無南



卍續藏經第二三冊目錄

新文豐出版公司影印卍續藏經會編印

中國撰述 禪宗語錄別集部

兀菴普寧禪師語錄三卷	侍者淨韻清澤道昭編	0001
石溪心月禪師語錄三卷	住顯宗煥祖定編	0043
石溪心月禪師雜錄一卷	侍者宗茂光玉仁安編	0143
虛舟普度禪師語錄一卷	應儼永珍祖森編	0159
即休契了禪師拾遺集一卷	法嗣淨伏等編	0190
月江正印禪師語錄三卷	門人行佑德珍瓊林等編	0217
曇芳守忠禪師語錄二卷	日本及藏主集錄	0314
橫川行珙禪師語錄二卷	門人慧觀壽椿德粹等編	0355

古林清茂禪師語錄 五卷

小師元浩清欲應槐編 0407

古林清茂禪師拾遺偈頌 二卷

日本海壽編次 0529

了菴清欲禪師語錄 九卷

後學祖杲得度善慶等編 0581
一志元浩可興
文康祖運志道
元寶慧朗海壽

穆菴文康禪師語錄 一卷

嗣法清逸智辯等編 0793
參學寶日

恕中無愠禪師語錄 六卷

嗣法宗黼道瑄宗亘等編 0805
參學慧寂清歲居頂

了堂惟一禪師語錄 四卷

門人文暉雲澹思謙等編 0886
宗義有端思齊
思靜妙淨無我
普莊宗遠思康

呆菴普莊禪師語錄 八卷

門人慧啓智粵智勝等編 0965
文度文朗
德琇曇頌道哲

師範和南手白

靈巖堂頭長老別去許久中間受信後莫知動止歲暮忽於蘇城舟中收書并信且知出世出自諸山公舉甚慰老懷既曰住持却與閑衲子不同便有住持之職從上來大有軌則當一一依而行之緊要者惟以本分事廣攝來學亦宜隨己力量施設當去過與不及之患久久自然感驗也貴老久立叢林備見今時之弊可默省察莫令失脚墮其輩流為識者笑吾老矣一住五峰今十七年矣開奏後漸理求閑計只早晚矣法衣乙頂付去遇上堂可一披幻質無現成者付在則日旅中草略奉答不甚子細餘宜為宗乘自愛不一

師範和南手白

靈巖堂頭長老

兀菴和尚語錄目次

卷上

師範手白

慶元府象山靈巖廣福禪院語錄

常州無錫南禪福聖禪寺語錄

卷中

巨福山建長興國禪寺語錄

婺州雲黃山寶林禪寺語錄

卷下

法語

序跋

佛祖贊

自讚

倡頌

小佛事

跋

兀菴和尚語錄卷上

兀菴和尚初住慶元府象山靈巖廣福禪院語錄

侍者 淨韵 編

指三門迷悟兩門聖凡二路以手劃一劃云總與諸

人開關了也普請一時證入

佛殿一釋迦二元和三佛陀當甚婉脫丘然雖如是

仁義道中 便燒香禮拜

上堂召大衆云。披野干皮作獅子吼。指東爲西。將無作有。驚起法身。藏北斗。喝一喝下座。

結制上堂。過去諸如來。斯門已成就。錯見在諸菩薩。今各亦圓明。錯未來修學人。應當如是學。錯諸人還知這三錯落處麼。若也知得。不妨同此安居。其或未然。且聽從頭指出一錯點開。從上佛祖眼睛。一錯捩轉。天下諸僧鼻孔。且道更有一錯作麼。生驚拈拄杖云。拄杖子。莫道得麼。試出來將錯就錯道看。卓一下云。餓飯泥茶爐。

上堂云。教中道。離言說。相離文字。相離心緣。相畢竟平等。無有變易。驚召大衆云。這般說話。蝦跳何曾出得斗。向諸僧門下。猶隔重關。畢竟事作麼。生荷葉團團。似鏡菱角尖。尖尖似錐。風吹抑絮毛毯。走雨打梨花。蛺蝶飛。

中夏上堂云。一夏九十日。不覺已過半。管帶牯牛兒。切忌隨物轉。緊把鼻頭索。莫放令寬緩。如是十二時。時時無間斷。收得純熟。斥之不去。受人言語。不動不變。觀面當機。當機觀面。必竟如何。良久云。不得動著。

動著則頭角生

解制小參。目前無法。意在目前。東西十萬。南北八千。所以達磨不來。東土二祖不往。西天點檢將來。只見一邊。設使東去西去。直向萬里無寸草處去。大似泥裏推車。陸地行船。直饒總道出門。便是草。雖則君子千里同風。未免隔山見烟。爭如任運騰騰。騰騰任運。飢食渴飲。行坐困眠。自然處處。朝宗頭頭。合轍縱橫。得妙八穴七穿。且總不任麼。又作麼。生拍膝一下云。不覺日又夜。爭教人少年。復舉僧問雲門。秋初夏末。東去西去。前途或有人問如何。祇對雲門云。大衆退後。僧云。某甲過在甚處。雲門云。還我九十日飯錢來。師拈云。雲門老漢。當斷不斷。返招其亂。當時纔問。壁脊便棒。待它道某甲過在甚處。却向道逢人不得錯舉。

道舊至上堂。召大衆云。沒絃琴。指趣深尖。新曲調。須遇知音。知音既遇。試彈一操去也。遂橫拄杖作撫琴勢云。會麼。高山流水。無窮意。落落斷崖千萬尋。上堂。召大衆云。寒食清明節。家家拜掃時。木人空嘆。

息石女泪雙垂。惟有林下道人絕學。無爲百不會。百不知。拈起少林無孔笛。逆風吹了順風吹。好大哥。結制上堂。諸方安居。結制靈巖。結制安居。雖是一般規矩。於中大有差殊。作麼生。趙州東壁掛葫蘆。端午上堂。拈拄杖示衆云。拄杖子無偏黨。遍界不曾藏。通身無影像。左邊卓一下。云。妖怪盡勦除。右邊卓一下。云。佛魔俱掃蕩。掃蕩後如何。擲下拄杖云。普天皇道無遮障。

徑山圓照先師訃音至上堂。召大眾云。頭處非常放軟。頑偏能陸地。要撐船。雖然撐向龍門去。蹤跡不知往那邊。幾多望斷空惆悵。亦復嗟嘆泪潸然。拍禪床一下。云。安得鸞膠續斷絃。舉哀。召大眾云。我有一句。子不封。亦不樹。不在舌頭邊。亦非思憶處。諸人若要。知得親切。徑山圓照老人。卽今在汝諸人眼睫上。放大光明。肆口宣說。急須諦聽。其或未然。蒼天中哭蒼天。

祈雨感應上堂。拈拄杖示衆云。拄杖子化爲龍。擎雲噴霧。妙應難窮。霽然洪霏。四海皆通。五穀結實。萬物

歸功。鼓腹謳歌。忘世事。以拄杖打圓相云。太陽依舊海門東。擲下拄杖下座。

解夏小參。直下猶難會。尋言轉更除。若言佛與祖。特地隔天涯。便任麼承當。已是不堪持。論那更休夏。自恣取驗蠟。人也大屈哉。靈巖怎麼告報。莫有猛省底麼。拍禪床一下。云。無端夜來鴈驚起。後池秋復舉。巴陵示衆云。不是風動。不是旛動。旛旛向甚處。著有人與祖師作主。出來與巴陵相見。後來雪竇道是風動。是旛動。旛旛向甚處。著有人與巴陵作主。出來與雪竇相見。師拈云。總道二古德互相擊。揚金聲。玉振。耀古騰今。殊不知一人太儉。一人太奢。有人與二老宿作主。出來與靈巖相見。建閣謝修造上堂。拆東籬補西壁。從空架空。以楔出楔。佗時登壑。昂霄。須信不勞餘力。這般說話。直是好笑。何故。纔方搓彈子。便要捏金剛。下座。上堂。舉僧問巴陵。祖意教意。是同是別。巴陵云。鷄寒上樹。鴨寒下水。圓照老師道。川僧慕苴。浙僧瀟灑。師拈云。二老雖則各擅家風。其奈優劣不等。靈巖也有。

箇道處或問祖意教意是同是別只向道。鸞飛戾天魚躍于函。

上堂拈拄杖示衆云。山僧昨日入邑。溝散於無心中。收得一物。非長短方圓。亦非青黃赤白。賤則價重。婆貴則分文不直。不敢囊藏。今日歸來。不免擊鼓陞堂。與諸人平分去也。卓一下云。一加三。二添六。擲下云收。

浴佛上堂。舉藥山因遵布衲殿主浴佛次。藥山問云。你只浴得。這箇還浴得那箇麼。遵云。且將那箇來。藥山休去。師拈云。藥山老漢。纔開臭口。便見鄉談。引得布衲隨邪逐惡。當時待它怎麼道。但。香湯浴佛。管取藥山開口了。合不得。靈巖不問。你這箇那箇。今日正當四月八。敢保諸人未曾夢見。山僧蓋膾毛在。

住常州無錫南禪福聖寺語錄

侍者 清澤 編

指三門。我此門風。孤危不立。若是臨濟兒孫。便請單刀直入。喝一喝。

佛殿釋迦彌勒是他奴。他是阿誰。插香云。且看四稜。

蹋地時

大聖殿出現在楊州。留錫於此地。寶塔凌高空。聲光動萬里。利物應群機。如月分衆水。我來爇瓣香。一瞻一頂禮。從教人道。自倒還自起。

據方丈。橫按拄杖。召大衆云。山僧坐地待汝。搆去良久云。諸人還覺頂門重麼。擲拄杖便起。

拈漕帖。此是都運殿撰侍郎。幹旋造化。掌握乾坤於無心中。當陽拈出。令未信者。信未聞者。聞山僧頂戴奉行。誰不伏聽處分。

指法座。向上一路。滑壁立千仞。險南禪不立。塔級直與當頭坐斷。祝。

聖次祝州縣香。據坐。問答不錄。乃云。靈山的旨。

少室真機。孤迥迥。生風颯颯。地直得超情離見。蓋色騎聲。捏聚放開。無適不可。所以居海岸則時聞潮落潮生。潮聲浩浩。寓梁溪則但見上載下。載來往。懂懂賓主交參。風雲會合。正任麼時。如何通信。良久云。洞庭七十二峰青。學鳥窠和尚。因白侍郎。問如何是佛法大意。鳥窠云。諸惡莫作。衆善奉行。侍郎云。三歲。

孩兒也解怎麼道。窠云三歲孩兒難道得八十老翁行不得。師拈云侍郎手擎仲尼日月腰。佩毗盧金印。等閑運箇消息。過出常流鳥窠。雖則當機直截。其奈易見難明。諸人還知古德爲人處麼。肇開華岳。連天秀放出黃河一派清。

當晚小參。折脚鐺破木杓。無柄霸難摸。索橫拈倒用。破二作三。正按傍提。七穿八穴。靈山密付之後。少室單傳以來的。的無私繩繩有準。若以正眼觀之。當甚閑家破具。雖然此意。分明誰共委。相同扶起舊家風。復舉芭蕉和尚。僧問不落諸緣。請師直指。蕉云有問有答。拈云芭蕉接物。應機頗善。平高就下。子細檢點將來。未免拖泥帶水。若問南禪。不落諸緣。請師直指。拈棒便打。若稍如痛痒。必不辜恩負德。

歲夜小參。心隨萬境轉。轉處實能幽。隨流認得性。無喜亦無憂。山僧官差不自由。只得隨流入流。所以新來乍到。未知井竈。即忙送舊迎新。未暇改聲換調。厨乏聚蠅之糝。囊無繫蟻之絲。內空外空。內外空。多憂多慮。多煩惱。年已盡歲已除。窮斯煎餓斯吵。露柱暗

攢眉燈籠拍手笑。且道笑箇什麼。良久云毗婆尸佛早留心。直至如今不得妙。舉雲門示衆云三乘十二分教。達磨西來放過。即不可若不放過。不消一喝。雪竇舉了一喝。復云好喝。大衆若要鼻孔。遶天辯取這一喝。師拈云唱高和寡。則不無二古德檢點將來。當甚尿沸聲。

上堂舉靈雲見桃花悟道頌。三十年來尋劍客。著語云靈狂外邊走。幾回葉落又抽枝。曾經霜雪苦自從一見桃花後。喚鐵鑊作甕。直至如今更不疑。狐狸探水設有無師自悟底。不堪與南禪洗脚。只如玄沙云諦當甚諦當。敢保老兄未徹在。又作麼生。良久云曾爲浪子偏怜客。爲愛貪盃惜醉人。

三月三大聖生日。上堂舉泗州大聖國師昔日有問云。住在何國。答曰何國。著語云板齒如鐵。又問云何姓。答曰姓何。舌頭挂上。勝拈云東涌西沒。七縱八橫。則不無大聖。其奈醜惡俱露。茲遇誕辰。拈拄杖云。拄杖子未免應時應節。下箇注脚。卓一下云。遲日江山麗。春風花草香。泥融飛燕子。沙暖睡鴛鴦。擲拄杖

徑山佛智偃溪和尚至上堂東澗水清且此源遠流長波騰鼎沸從這裏入不知其幾是則是只如國一禪師經過梁溪蓋將泗州大聖鼻孔一捏直得無處出氣爲復壓良爲賤爲復神游遊戲良久云君子可八

淨慈斷橋至上堂舉阿難問迦葉云世尊傳金襴外別傳何物公案師頌云弟應兄呼自揚家醜倒却刺竿全機漏逗雖有西湖月如晝何似南禪鐵苕帚天童智別山至上堂舉芙蓉訪實性大師上堂以右手拈拄杖安向左邊云若不是芙蓉師兄大難委悉便下座師拈拄杖云實性用處雖則左之右之其奈翻成特地南禪亦欲効古之作未免拔貧作富蓄湯備禮擲下拄杖云若不是天童師兄大難委悉便下座結制小參金烏急玉兔速百歲光陰一瞬息驚拈拄杖云惟有拄杖子硬葛狙黑黦斂勿變遷無面目三月護生九旬禁足酌然使得十二時不被十二時催促任他門外紅塵擾擾來往懂懂肥馬碌碌瘦馬碌碌驚然翻變化爲龍爲雨爲霖俱莫測卓一下

復舉僧問智門蓮花未出水時如何答云蓮花出水後如何答云荷葉師拈云應機接物則不無智門要且只能順水張帆不解逆風把柁有問南禪蓮花未出水時如何答云三平二滿出水後如何答云四角六張

結制上堂稱僧家擔兜行脚那邊經冬這裏過夏撐眉努目口嘮舌沸及乎與之立箇期限同住大光明藏禁足護生一似蛇入竹筒伎倆俱盡山僧不免撥開些子活路總教轉得身吐得氣見山是山見水是水飢來喫飯困來睡

祈雨開經佛事毗盧遮那佛願力周法界一切國土中恒轉無上輪所謂一句之內包法界之無邊一毫之中置刹土而非隘塵塵爾刹刹爾巍巍乎蕩蕩乎靄慈雲而誘大千罪法雨而津百億遂得五穀秀實萬物滋生處處通津頭頭合轍任麼委悉如是我聞開信受奉行卷不滯言詮脫或未然切忌巡行數墨淹黑豆子是則是只如端明相公與衆官等爲民祈請閱此大經臨筵作證必竟有何祥瑞乃云願展

調羹活國手爲霖爲雨沃人間

上堂舉無著和尚往五臺路逢一老人無著問云莫是文殊麼老人云豈有二文殊無著便禮拜老人忽然不見趙州代云文殊文殊薦福懷云無著只有先鋒且無殿後老人若不隱去有甚面目見無著師拈云二古德總是隨邪逐惡無著認假不認真待他道豈有二文殊便與兜一喝老人縱有神通亦使隱身無路諸人只今要見文殊麼擲下拄杖云直下來也急著眼看

元宵上堂召大衆云祖佛付授以心傳心猶如鏡燈交光互照燈喻一真心鏡喻十法界燈燈相攝鏡鏡交羅盡十方佛刹微塵數世界重重無盡無盡重重炳煥融通靈明廓徹所以道重重交映若帝網之垂珠念念圓融類夕夢之經世然雖如是諸人夜半法堂上東行西行切須照顧且道照顧箇什麼良久云照顧撞著露柱

退院上堂梁渚溪退下直釣波瀾浪艱費牽抽六年用盡腕頭力敗筆絲綸恁性遊不著此岸不著彼岸

不滯中流欸乃一聲天地秋

師因日域法眷道舊鄉人不忘徑山道聚之義屢邀閑樂累却復至於景定庚申暫與一遊海紅橋上龍獻七大寶珠舉衆瞻仰咸云東海龍王來迎繼即須帆速達彼岸聖福禪寺住持乃法眷適值開山千光法師忌辰方丈大衆禮請

陞座問答不錄 乃云毗盧性海本無大小方圓妙淨明心不礙色空明暗如鏡合萬象似月印千江曾無出沒之蹤奚分彼此之間所以居宋朝則口吞三世佛遊 日本則喜動萬家春處處通方頭頭合轍適值聖福法兄雲集此方他土若聖若凡宴坐圓覺妙場爲說摩訶般若前半夏說前分般若後半夏說後分般若前後頗說常說熾然說無間歇只要諸人頓證頓悟一夏無虛棄底道理茲值開山和尚千光法師遠諱之辰俾令爲衆闡揚且道說箇什麼以拂子擊禪床一下云這裏見得徹去釋迦彌勒飲氣吞聲臨濟德山望空啓告雖然不是任公子徒勞話

眼從來空宇宙灼然遍界不曾藏學人上來願聞法要師云四海浪平龍睡穩九天雲靜鶴飛高進云恁麼則非但建長增秀氣少林花木又重新師云有水皆含月無山不帶雲進云記得昔日臨濟得黃檗印證之後往遊徑山彼時徑山七百餘衆因甚星飛火亂師云不會做客勞煩主人進云可謂真不掩偽曲不藏直師云錯下名言進云堂頭和尚爲五山龍象之首作巨利人天之師駕海而來闔國忻幸師云不因紫陌花開早爭得黃鸝下柳條進云恁麼則天高群象正海闊百川朝師云天下人仰望不及進云臨濟上徑山七百餘衆星飛火亂和尚遊日本六十餘郡仰德瞻風且道與臨濟是同是別師云龍得水時添意氣虎逢山色長威勢進云今古應無墜分明在目前師云猶隔重關進云今日方丈大衆奉上命禮請爲衆普說和尚必竟如何指示師云更吃老僧拳頭始得進云恁麼則棒頭有眼明如日要識眞金火裏看師云得饒人處且饒人又一僧問云德山入門便棒時如何師云匙挑不上笑殺傍觀進云臨濟入

門便喝時如何師云翻成切恨進云一人行棒一人行喝那箇是那箇疎師云一時列下進云堂頭大和尚光臨此土必竟行棒耶行喝耶師云總不作野狐情見解進云如何是爲人底一句師云三十棒且待別時乃云鎌倉路滑到者還稀巨福山高誰能到頂千聖應難入作萬靈景仰無門若非切切相邀拙者安能到此便見大力量人大智慧者同一悲願同一慈力勸新實所金碧煥然樓閣重重像法濟濟令一切人觀像法而悟心法了自心而見佛心於一心而頓證百千法門於一法而貫通無量妙義以至布慢天網開萬煨爐煨聖煨凡烹佛烹祖掀翻海岳撥亂乾坤拽取占波與新羅闍額是則是只如今日主賓互換凡聖交參賓主歷然合談何事蕭拈拄杖云兩箇馱子相逢著世上元來無直人卓一下復云目前無法意在目前不是目前法非耳目之所到是故三教聖人互相出興各立門庭示眞實相無非只要天下人遷善遠惡明心見性雖然殊途究竟同歸一理惟是證悟有淺深用處有廣略如水銀落

地大者大圓小者小圓如明鏡當臺胡來胡現漢來漢現且老拙生緣西蜀幼年棄儒祝髮挾冊講肆數載知非究竟捨去南詢遍歷諸老門庭及到蔣山八月二十五值癡絕和尚上堂舉覆船有僧到雪峰峰云甚處來僧云覆船雪峰云生死海未度爲甚覆船渠無生死言下忽然認得本來面目憤憤之心稍息及到育王參無準和尚遇上堂舉僧問古德深山巖崖還有佛法也無古德云有如何是深山巖崖佛法答云石頭大底大小底小言下如夢忽覺自後凡遇入堂常下語及侍師上徑山一日聞師云昔日白雲端和尚因東山演祖參請次與之云近有數僧自廬山來教伊說禪亦說得下語亦下得批判古今亦批判得祖云和尚如何端云我向伊道直是未在演祖聞此語數日飲食無味後七日方論厥旨是時拙者一聞舉此無言可對只向未在處做工夫久久不輟凡入室也不下語一日遇入室先師把住云尋常口旁舌拂如何不下語打一竹篋當下打破漆桶禮拜了退然後徐徐陳於師前乃云汝徹也只是得道易

守道雖須要默默守之久久自然感驗也自此如癡如兀度日先師遣以兀庵二大字只欲隨緣放曠以度殘喘無奈數處被抑首衆業緣所牽公選屢董小刹不容辭避在衆時曾同蘭溪聚首於蔣山徑山千百衆中雖各究明已躬大事時復以此道切瑳琢磨執別而來各天一涯伏聞航海東來際遇王公大人信向佛法留心此道不忘悲願同心同力刷新寶所日城魁爲第一甲刹與宋朝第一徑山無有異矣數年前屢承之約累却復至以故撤去寺事越漢乍到乃荷遠近之禮伏承謙冲領大衆奉上帝命請爲衆普說不容堅辭普說二字何敢承當前輩尊宿圓悟大慧諸宿德辨瀉懸河滔滔無間具載方冊看者無不明心見性安敢望古德萬分之一雖然久參之士故不在言後學初機亦須親見親聞以故勉從所請應箇時節略聞此間從古以來惟弘教法於今始賴宗門往往信與疑而未決者衆殊不知不立文字直指人心見性成佛之旨從上無數大劫千佛萬佛互相出世惟傳此心非特迦文老漢出世強立此旨且